

全唐詩



全唐詩目

第四冊

第十冊

耿漳

二卷

戎昱

一卷

竇叔向

竇常

竇牟

竇羣

竇庠

竇鞏

共一卷

漢書

卷之四

漢書

卷之四

漢書

漢書

卷之四

漢書

卷之四

漢書

漢書

卷之四

漢書

卷之四

漢書

全唐詩

耿湣

耿湣字洪源河東人登寶應元年進士第官右拾遺工詩與錢起盧綸司空曙諸人齊名號大曆十才子湣詩不深琢削而風格自勝集三卷今編詩二卷

發南康夜泊瀨石中

倦客乘歸舟春溪杳將暮羣林結暝色孤泊有佳趣夜山轉長江赤月吐深樹颯颯松上吹泛泛一作泥花間露險石俯潭渦跳湍礙沿沂豈唯垂堂戒兼以臨深懼稍出回雁峰明登斬蛟柱連雲向重山杳未見鍾路

過五山人舊居

故宅春山中來逢一作遲夕陽入汲少井味變開稀戶樞澀
樹朽鳥不栖階閑雲自濕先生何處去惆悵空獨立

晚次昭應

落日向林路東風吹麥隴藤草蔓古渠牛羊下荒塚驪
宮戶久閉温谷泉長湧為問全盛時何人最榮寵

聽早蟬歌

蟬鳴兮夕曛聲和兮夏雲白日兮將短秋意兮已滿乍
悲鳴一作吟兮欲長猶嘶澀兮多斷風蕭蕭兮轉清韻嘒嘒
兮初成依婆婆之古樹思遼落之荒城閑院支頤深林
倚策猶一作獨惆悵而無語鬢星星而已白

蘆花動

連素穗翻秋氣細節疎莖任長吹共作月中聲孤舟發

鄉思

華陰客舍奉送許州公春郊觀望

爾誰造鴟何早趨趨連聲徧階草復與夜雨和遊人聽
堪老

太尉並書封出慕瀛東階

蘇武宣城逢張丘南史

蘇武出塞時南史入重客

全家宛陵客文雅世難逢寄食年將老干時計未從秋
來向曲水兩後敬亭峯西北長安遠登臨恨幾重

題

童子寺

中郎許冬意累無由

半偈留何處全身棄此中雨餘沙塔壞月滿雪山空聳
刹臨回磴朱樓間碧叢朝朝日將暮長對晉陽宮

夏日寄東溪隱者

日華浮野水草色合遙空處處山依舊年年事不同閑
田孤壘外暑雨片雲中惆悵多塵累無由訪釣翁

長雲迷一雁漸遠向南聲已帶千霜鬢初為萬里行繁
蟲滿夜草連雨暗秋城前路諸侯貴何人重客卿

太原送許侍御出幕歸東都

昔隨劉越石今日獨歸時汾水風煙冷并州花木遲荒
庭增別夢野雨失行期莫向山陽過隣人夜笛悲

華州客舍奉和崔端公春城曉望

不語看芳徑悲春嬾獨行向人微月在報雨早霞生貧

病催年齒風塵掩姓名
賴逢驄馬客郢曲緩羈情

題清蘿翁雙泉

側弁向清漪門中夕照移
異源生暗石疊響落秋池
葉擁沙痕沒流回草蔓隨
泠泠無限意不獨遠公知

酬李文

一作

落照長楊苑秋天渭水濱
初飛萬木葉又長一年人
貧病仍為客艱虞更問津
多慙惠然意今日肯相親

贈嚴維

刻

許詢清論重寂寞住山陰
野路接一作寒一作寺
閑門當一作柰

杏林海田秋熟早湖水夜漁深
世上窮通理誰人能一作柰

此心 春日暇苗發村亭

春日題苗發竹亭

春亭及策上郎吏謝玄暉閑詠疎篁近高眠遠岫微偏
宜留野客暫得解朝衣猶憶東溪裏雷一作當雲掩故扉

題孝子陵

荒墳秋陌上霜露正霏霏松柏自成拱苦廬長不歸浮
埃積蓬鬢流血一作在麻衣何必曾參傳千年至行稀

題莊上人房

不語焚香坐心知道已成流年衰此世定力見他生暮
雪餘春冷寒燈續晝明尋常五侯望敢望下階迎

宋中雜詠雙泉

日暮黃雲合年深白骨稀舊村喬木在秋草遠人歸廢

井莓苔厚荒田路徑微唯餘近山色相對似依依

秋夜思歸

來時猶暑服今已露漫漫多雨逢初霽深秋生夜寒投
人心似自切為客事皆難何處無留滯誰能暫問看

送李端

世上許劉楨洋洋風雅聲客來空改歲歸去未成名遠
近天初暮關河雪半晴空懷諫書在回首戀承明

送崔明府赴青城

清冬賓御出蜀道翠微間遠霧開羣壑初陽照近關霜
潭浮紫菜雪棧繞青山當似遺民去柴桑政自閑

送王將軍出塞

漢家邊事重寶憲出臨戎絕漠秋山在陽關舊路通列
營依茂草吹角向高風更就燕然石行看奏虜功

一作看銘
破虜功

雨中留別

東西無定客風雨未休時憫默此中別飄零何處期青
山違舊隱白髮入新詩歲歲迷津路生涯漸可悲

送楊將軍

一身良將後萬里討烏孫落日邊陲靜秋風鼓角喧遠
山當磧路茂草向營門生死酬恩寵功名豈敢論

送夏侯審遊蜀

暮峰和玉壘回望不通秦更問蜀城路但逢巴語人看
林鶯轉曉板屋月明春若訪嚴夫子無嫌卜肆貧

送張侍御赴郴州別駕

佐郡人難料分襟日復斜
一帆隨遠水百口過長沙
明月江邊夜平陵夢裏家
王孫對芳草愁思杳無涯

送苗贇

一作賦

赴陽翟丞

夕陽秋草上去馬弟兄看
年少初辭闕時危遠效官
山行獨夜雨旅宿二陵寒
詩興生何處高陽羽客壇

送絳州郭參軍

遠事諸侯出青山古晉城
連行麴水閣獨入議中兵
夜雨新田濕春風曙角鳴
人傳府公政記室有參卿

常州留別

萬里南天外求書禹穴間
往來成白首日暮見青山
夜

浦涼雲過秋塘好月閑殷勤陽羨桂別此幾時攀

關山月

月明邊徼靜戍客望鄉時塞古柳衰盡關寒榆發遲蒼
蒼萬里道戚戚十年悲今夜青樓上還應照一作所思

代宋州將淮上乞師

脣齒相依危亡故遠一作歸身輕一作百戰出一作家在數

重圍上將堅深壘殘兵鬪落暉常聞鐵劔利早晚借餘

威

秋晚臥疾寄司空拾遺曙廬少府綸

寒几坐空堂疎髯似積霜老醫迷舊疾朽藥誤新方晚
果紅低樹秋苔綠徧牆慙非蔣生徑不敢望求羊

贈海明上人

一作贈明公

來自西天竺

一作竺

持經奉紫微年深梵語變行苦俗流

一作人

歸月上安禪久苔生出院稀梁間有馴鴿不去復

一作亦

何

依

一作爲無機

津亭有懷

津亭一望鄉淮海晚茫茫草沒樓洲鷺天連暎浦檣往
來通楚越旦暮易漁商惆悵緘書畢何人向洛陽

晚投江澤浦即事呈柳兵曹泥

落日過重霞輕烟上遠沙移舟衝荇蔓轉浦入蘆花斷
岸迂來客連波漾去槎故鄉何處在更道向天涯

東郊別業

東臯占薄田耕種過餘年護藥栽山刺澆蔬引竹泉晚
雷期稔歲重霧報晴天若問幽人意思齊沮溺賢

早朝

鐘鼓餘聲裏千宮向紫微冒寒人語少乘月燭來稀清
漏聞馳道輕霞暎瑣闥猶看嘶馬處未啟掖垣扉

屏居整屋

百年心不料一卷日相知乘興偏難改憂家是強爲縣
城寒寂寞峰樹遠參差自笑無謀一作謀者祇應道在斯

進秋集

豈悟因羅者迎霜獻紫微夕陽分素臆秋色上花衣舉
翅雲天近回眸燕雀稀應隨明主意百中有光輝

詠宣州筆

寒竹慙虛受，纖毫任幾重。
影端緣守直，心勁懶藏鋒。
落紙驚風起，搖空見露濃。
丹青與文事，捨此復何從。

春日洪州即事

鍾陵春日好，春水滿南塘。
竹宇分朱閣，桐花間綠楊。
蹉跎看鬢色，留滯惜年芳。
欲問羈愁發，秦關道路長。

雪後宿王純池州草堂

宿君湖上宅，琴韻靜參差。
夜雪入秋浦，孤城連貴池。
流年看共老，銜酒發中悲。
良會應難再，晨雞自有期。

旅次漢故

好作時

我行過漢時，寥落見孤城。
邑里經多難，兒童識五兵。
廣

川桑遍綠叢薄雉連鳴惆悵蕭關道終軍願請纓

過三郊驛却寄楊評事時此子郭令公欲有表

薦

冉冉青衫客悠悠白髮人亂山孤驛暮長路百花新
終歲行他縣全家望此身更思君去就早晚問平津

隴西行

雪下陽關路人稀隴戍頭封狐猶未翦邊將豈無羞
白草三冬色黃雲萬里愁因思李都尉畢竟不封侯

巴陵逢洛陽鄰舍

一作書情
送故人

因君知北

一作世

事流浪

一作恨

已忘機客久

一作客

多人識

一作厭

年高

一作童

衆病歸連雲湖

一作朝

色遠度雪雁聲稀又說家林盡悽

傷淚滿衣

哭張融

早歲能文客，中年與世違。
有家孀婦少，無子弔人稀。
總帳塵空暗，一作積銘旌雨不飛。
依然舊鄉路，寂寞幾回歸。

送友貶嶺南

暮年從遠謫，落日別交親。
湖上北飛雁，天涯南去人。
夢成湘浦夜，淚盡桂陽春。
歲月茫茫意，何時雨露新。

春日即事二首

詩書成志業，懶慢致蹉跎。
聖代丹霄遠，明時白髮多。
淺謀堪自笑，窮巷憶誰過。
寂寞前山暮，一作路歸人樵採歌。

數畝東臯宅，青春獨屏居。
家貧僮僕慢，官罷友朋疎。
強

飲沽來酒羞看讀了書
閑花開一作更滿地惆悵復何如

贈田家翁

老人迎客處籬落稻畦間
蠶屋朝寒閉田家晝雨閑
門閭新薙草蹊徑一作樵樵舊諳山
自道誰相及一作友邀予試往還

贈韋山人

失意成逋客終一作經年獨掩扉
無機狎鷗慣多病見人稀
流水知行藥孤雲伴採薇
空齋莫閑笑一作暮心事與時違

濬公院懷舊

遠公傳教畢身沒向他方
弔客來何見門人閉影堂
紗燈臨古砌塵札在空牀
寂寞疎鐘後秋天有夕陽

雨中宿義興寺

遙夜宿東林，蟲聲階草深。
高風初落葉，多雨未歸心。
家國身猶負，星霜鬢已侵。
滄洲縱不去，何處有知音。

送王祕書歸江東

迴首望知音，逶迤桑柘林。
人歸海郡遠，路入雨天深。
萬木經秋葉，孤舟向暮心。
唯餘江畔草，應見白頭吟。

渭上送李藏器移家東都

求名雖一作須有據，一作援學稼一作道又無田。一作緣故國三千里，新春

五十年。移家還作客，避地莫知賢。
洛浦今何處，風帆去

渺然。

春尋柳先生

言是商山老麈心莫問年白鬚垂策短烏帽據梧偏酒
熟飛巴雨丹成見海田疎雲披遠水景動石牀前

題藏公院

古院林公住疎篁近井桃俗年人見少禪地自知高
燕草一作物誠多喻滄溟在一毫仍悲次宗輩塵事日爲勞

夏夜西亭即事寄錢負外

高亭賓客散暑夜醉相和細汗迎一作疑衣集微涼待扇過
風還池色定月晚樹陰多遙想隨行者珊珊動曉珂

與清江上人及諸公宿李八昆季宅

湯公多外友洛社自相依遠客還登會秋懷欲忘歸
驚風林果少驟雨砌蟲稀更過三張價東遊愧陸機

春日即事

鄰里朝光徧披衣夜醉醒庖廚非舊火林木發新青接
果移天性疏泉逐地形清明來幾日戴勝已堪聽

秋夜會宿李永宅憶江南舊遊

偶宿俱南客相看喜盡歸湖山話不極歲月念空違子
夜高梧冷秋陰遠漏微那無此良會惜在謝家稀

冬夜尋李永因書事贈之

棲遑偏降志疵賤倍修身近覺多衰鬢深知獨故人天
垂五夜月霜覆九衢塵不待逢沮溺而今惡問津

立春日宴高陵任明府宅

春灰今變候密雪又霏霏坐客同心滿流年此會稀風

成空處亂素積夜來飛且共銜盃酒陶潛不得歸

春日遊慈恩寺寄暢當

浮世今何事空門此諦真
死生俱是夢哀樂詎關身
遠草光連水春篁色離塵
當從庾中庶詩客更何人

晚秋過蘇少府

九江迷去住羣吏且因依
高木秋垂露寒城暮掩扉
隨雲心自遠看草伴應稀
肯信同年友相望青瑣闈

登鶴雀樓

久客心常醉高樓日漸低
黃河經海內華嶽鎮關西
去遠千帆小來遲獨鳥迷
終年不得意空覺負東溪

賦得沙上雁

衡陽多道里弱羽復哀音還塞知何日驚弦亂此心夜
陰前侶遠秋冷後湖深獨立汀洲意寧知一作憂霜霰侵

夜尋盧處士

月高雞犬靜門掩向寒塘夜竹深茅宇秋庭冷石牀住
山年已遠服藥壽偏長虛棄如吾者逢君益自傷

邠州留別

終歲山川路一作長路來還去生涯總一作竟幾一作若何艱難為客慣貧賤

受恩多暮角寒山色秋風遠水波一作暮角韻寒流赴細波無人見惆

悵垂鞚入煙蘿一作懸愁茂陵宅春色又相過

贈張將軍一作開府

寥落軍城暮重門返照間鼓聲經雨暗士馬過秋閑慣

守臨邊郡曾營近海一作積山關西舊業在夜夜夢中還一作

誰云張校尉

萬里鑿空還

贈隱公一作贈
隱上人

世間無近遠定裏徧曾過東海經長在南朝寺寂多暮
年聊一作休化俗初地即一作却摧魔今日忘塵慮看心義若何

贈別安邑韓少府

予真能自在一作說江海意何如門掩疎塵吏心閑閱道書

古城寒欲雪遠客暮無車杳杳思前路誰堪千里餘

送胡校書秩滿歸河中

古樹汾陰一作陽道悠悠東去長位卑仍解印身老又一作得還

鄉河水平秋岸關門向夕陽音書須數附一作寄莫學晉嵇

康

送河中張胄曹往太原計會迴

北風長至遠四牡向幽并
衰木新田路寒蕪故絳城
遙聽邊上信遠計朔南程
料變當臨事遙知外國情

送郭正字歸郢上

濟江篇已出一作上書府俸猶貧
積雪商山道全家楚塞人

大堤逢落日廣漢望通津
却別一作到漁潭下驚鷗那可一作

肯親

題李孝廉書房

野情專易外一作商閱一室向青山
業就三編絕心通萬事

一作象閑鶯稀一作啼春木上草徧暮堦一作夕陽
間莫道歸一作符繻在來

時棄故關

酬暢當

同遊漆沮後已是十年餘幾度曾相夢何時定得書月
高城影盡霜重柳條疎且對尊中酒千般想未如

留別解縣韓明府

一作別解明府

閑人州縣厭賤士友朋譏朝雪逢初下秦關獨暮歸寒
茅一作蕪下一作上原淺殘雪一作燒過風微一路何相慰唯君能政

稀一作致歸

遊鍾山紫芝觀

繫舟仙宅下清磬落春風雨數芝田長雲開石路重古
房清磴接深殿紫烟濃鶴駕何時去遊人自不逢

晚秋宿裴負外寺院

得逢字

仲言多麗藻晚水獨芙蓉
梁苑仍秋過仁祠又夜逢
回林通暗竹去雨帶寒鐘
願向空門裏修持一作畫比畫龍

秋夜喜盧司直嚴少府訪宿

寂寂閉層城悠悠此夜情
早涼過鬢髮秋思入柴荆
嚴子多高趣盧公有盛名
還如杜陵下暫拂蔣元卿

下邳客舍喜叔孫主簿鄭少府見過

良宵復杪秋把酒說羈遊
落木東西別寒萍遠近流
蕭條旅館月寂歷曙更籌
不是仇梅至何人問百憂

蓋屋客舍

寥寂荒壘下客舍雨微微
門見苔生滿心慙吏到稀
籬

花看未發海燕欲先歸無限堪惆悵誰家復擣衣

宿韋員外宅

傳經韋相後賜筆漢家郎幽閣諸生會寒宵幾刻長座
中燈泛酒簷外月如霜人事多飄忽邀歡詎可忘

登沃州山

沃州初望海攜手盡時髦小暑開鵬翼新奠長鷺濤月
如芳草遠身比夕陽高羊祜傷風景誰云異我曹

宿岐山姜明府廳

暝色休羣動秋齋遠客情細風和雨氣寒竹度簾聲日
覺蹉跎近天教嬾慢成誰能謁卿相朝夕筭浮榮

上巳日

共來修禊事內顧一悲翁玉鬢風塵下花林絲管中故
山離水石舊侶失鷓鴣不及遊魚樂裴回蓮葉東

登樂遊原

園廟何年廢登臨有故丘孤村連日靜多雨及霖休常
與秦山對曾經漢主遊豈知千載後萬事水東流

題惟幹上人房

繩牀茅屋下獨坐味閑安苦行無童子忘機避宰官是
非齊已久夏臘比應難更悟真如性塵心稍自寬

會鳳翔張少尹南亭

遠過張正見詩興自依依西府軍城暮南庭吏事稀草
簷宜日過花圃任煙歸更料重關外羣僚候啟扉

早春宴高陵滑少府

得昇字

且寬沈簿領應賴酒如通
春夜霜猶下東城月未昇
清言饒醉客亂舞避寒燈
名字書仙籍諸生病未能

寒蜂採菊蕊

遊颺下晴空尋芳到菊叢
帶聲來蕊上連影一作飲在香中
去住霑餘霧高低順過風
終慙異蝴蝶不與夢龜通

題楊著別業

柳巷向陂斜回陽噪亂鷗
農桑子雲業書籍蔡邕家
暮葉初翻砌寒池轉露沙
如何守儒行寂寞過年華

送太僕寺李丞赴都到桃林塞

遠過桃林塞休年自昔聞
曲河隨暮草重阜接閑雲
造

父爲周御詹嘉守晉軍應多懷古思落葉又紛紛

宋中

百戰無軍食孤城陷虜塵爲傷多易子翻弔淺爲臣漫
漫東流水悠悠南陌人空思前事往向曉淚霑巾

陪讌湖州公堂

謝公爲楚郡坐客是瑤林文府重門奧儒源積浪深壺
觴邀薄醉笙磬發高音未至才仍短難隨白雪吟

尋覺公因寄李二端司空十四曙

少年嘗昧道無事日悠悠及至悟生死尋僧已白頭雲
迴廬瀑雨樹落給園秋爲我謝宗許塵中難久留

送郭秀才赴舉

鄉賦鹿鳴篇君為貢士先新經夢筆夜纔比棄繻年海
雨沾隋柳江潮赴楚船相看南去雁一作岸離恨倍潸然

送王閏一作閏

相送臨漢一作漢水愴然望故關江蕪連夢澤楚雪入商山

語我他年舊看君此日還因將自悲淚一灑別離間

送蜀客還

萬峯深積翠路向此中難欲暮多羈思因高莫遠看卓
家人寂寞揚子業荒殘唯見岷江水悠悠帶月寒

送海州盧錄事

之官逢計使風土問如何海口朝陽近青州春氣多郊
原鵬影到樓閣蜃雲和損益關從事期聽勞者歌

登鍾山館

匹馬宜春路蕭條背館心
澗花寒夕雨潭水黑朝林野
市魚鹽隘江村竹葦深子規何處發青樹滿高岑

秋一作落照

照耀天山外飛鷗幾共過
微紅拂秋漢片白透長波影
促寒汀薄光殘古木不多金
霞與雲氣散漫復相和

贈苗員外

為郎日賦詩小謝少年時
業繼儒門後心多道者期
晚一作曉迴長樂殿新出夜一作永明祠
行樂西園暮春風動柳絲

詣順公問道

此身知是妄遠詣支公何法住
持後能逃生死中秋

苔經古徑攙葉滿疎叢方便如開誘南宗與北宗

廢慶寶寺

一作司空曙詩

黃葉前朝寺無僧寒一作閑殿開池晴龜出暴松暝鶴飛迴

古井

一作砌

碑橫草陰廊畫雜苔禪宮亦銷

一作衰

歇塵世轉堪

哀

韻苗員外

赴許州留別洛中親故

淳風今變俗末學誤為文幸免投湘浦那辭近汝墳山

遮魏闕路日隱洛陽雲

一作城

誰念聯翩翼烟中獨失羣

送葉尊師歸處州

風馭南行遠長山與夜江羣祇離分野五嶽拜旌幢石

髓調金鼎雲漿實玉缸
狎狎吠聲曉洞府有仙屍

全唐詩

耿漳

酬張少尹秋日鳳翔西郊見寄

鼎氣孕河汾英英濟舊勲劉生曾任俠張率自能文官

佐征西府名齊將上軍秋山遙出浦野鶴暮離羣遠恨

邊笳起勞歌騎吏聞廢關人不到荒戍日空曛草木涼

初變陰晴景半分疊蟬臨積水亂燕入過一作高雲麗藻終

思我衰髯亦為君閑吟寡和曲庭葉漸紛紛

春日書情寄元校書伯和相國元子

數歲平津邸諸生出門一作時羈孤力行早疎賤託身遲

芳草看無厭青山到未期貧居悲老大春日茅茨衛

玳瓊瑤色玄成鼎鼐姿友朋漢相府兄弟謝家詩律合
聲雖應勞歌調自悲流年不可住惆悵鏡中絲

奉送崔侍御和蕃

萬里華戎隔風沙道路秋新愬明主啟舊好使臣修旌
節隨邊草關山見戍樓俗殊人左衽地遠水西流日暮
冰先合春深雪未休無論善長對博望自封侯

春日即事

芳菲那變易年鬢自蹉跎室與千峯對門唯二仲過宦
情知已少生事託人多草色微風長鶯聲細雨和幾時
猶滯拙終日望恩波縱欲論相報無如漂母何

仙山行

深溪人不到杖策獨緣源花落尋無徑雞鳴覺近村數
翁皆藉草對奕復傾尊看畢初為局歸逢幾世孫雲
迷入洞處冰引出山門惆悵歸城郭樵柯迹尚存

內務館得替後書懷上第五相公

誰語恓惶客偏承顧盼私應逾骨肉分敢忘死生期山
縣唯荒壘雲屯盡老師庖人寧自代食藥謬相推黃綬
名空罷青春鬢又衰還來掃門處猶未報恩時獨立花
飛滿無言月下遲不知丞相意更欲遣何之

入塞曲

將軍帶十圍重錦製戎衣猿臂銷弓力虬鬚長劔威首
登平樂宴新破太宛歸樓上誅姬笑門前問客稀暮烽

玄兔急秋草紫騮肥未奉君王詔高槐書掩扉

將軍帶送姚校書因歸河中

十年相見少一歲又還鄉去住人惆悵東西路渺茫古

波無茂草高樹有殘陽委棄秋來一作收餘稻彫疎採後桑月

輪生舜廟河水出一作關牆明日過閭里光輝芸閣郎一作香

題清源寺即王右丞故宅

儒墨兼宗道雲泉隱舊一作舊結廬孟城今寂寞朝水自紆餘

內學銷多累西林一作園易故居深房春竹老細雨夜鐘疎

陳跡留金地遺文在石渠不知登座客誰得一作學蔡邕書

奉送蔣尚書兼御史大夫東都留守

副相威名重春卿禮樂崇錫珪仍拜下分命遂居東高

旂翻秋日清鏡引細風蟬稀金谷樹草徧德陽宮教用
儒門儉兵依武庫雄誰云千載後周召獨爲公

喜侯中七校書見訪

東城獨屏居有客到吾廬發蘄因春黍開畦復翦蔬許
酣令乞酒辭窶任無魚徧出新成句更通未悟書藤絲
秋不長竹粉雨仍餘誰爲作須張燭涼空有望舒

晚春青門林亭燕集

都門連騎出東野柳如絲秦苑看山處王孫逐草時歡
遊難再得衰老是前期林靜鶯啼遠春深日過遲落花
今夕思秉燭古人詩對酒當爲樂雙杯未可辭

悲出青晚秋東遊寄猗氏第五明府解縣韓明府

步出青門去，疎鐘隔上林。四郊多難日，千里獨歸心。暮
鳥聲偏苦，秋雲色易陰。亂墳松柏少，野徑草茅深。灞
涘
袁安履，汾南宓賤琴。何由聽白雪，祇益淚霑襟。

奉和元承

一作承

杪秋憶終南舊居

白玉郎仍少，羊車止路平。秋風搖遠草，舊業起高情。亂
樹通秦苑，重原接杜城。溪雲隨暮淡，野水帶寒清。廣樹
羅留峯翠，閑門響葉聲。近樵應已燒，多稼又新成。解佩
從休沐，承家豈退耕。恭侯有遺躅，何事學泉明。

晚夏即事臨南居

何須學從宦，其柰本無機。蕙草芳菲歇，青山早晚歸。廣
庭餘落照，高枕對閑扉。樹色迎秋老，蟬聲過雨稀。艱難

逢事異去就與時違遙憶衡門外蒼蒼三徑微

省試驪珠詩

是日重泉下言探徑寸珠龍鱗今不逆魚目也應殊掌上星初滿盤中月正孤酬恩光莫及照乘色難踰欲問投人否先論按劍無儻憐希代價敢對此冰壺

元日早朝

九陌朝臣滿三朝候鼓賒遠珂時接韻攢炬偶成花紫貝爲高闕黃龍建大牙參差萬戟合左右八貂斜羽扇紛朱檻金鑪隔翠華微風傳曙漏曉日上春霞環珮聲重疊蠻夷服等差樂和天易感山固壽無涯渥澤千年聖車書四海家盛明多在位誰得守蓬麻

送歸中丞使新羅

一本題下有冊
立帶祭四字

遠國通王化儒林得使臣六君成典冊萬里一作奉絲

綸雲水連孤棹恩私在一身悠悠龍節去渺渺蜃樓新

望裏行還一作仍暮波中歲又春昏明看日御一作脚靈怪問

舟入城邑分華夏衣裳擬縉紳他時禮命畢歸路勿一作

迷津

贈興平鄭明府

海內兵猶在關西賦未均仍勞持斧使尚宰茂陵人遙

夜重城掩清宵片月新綠琴聽古調白屋被深仁跡與

儒生合心惟靜者親深情先結契薄宦早趨塵貧病休

獨日艱難過此身悠悠行遠道冉冉過一作良辰明主知

封事長沮笑問津樓遑忽相見欲語淚霑巾

和王懷州觀西營秋射

待寒字

謝公親校武草碧露漫漫落葉停高駕空林滿從官迎
籌皆疊鼓揮箭或移竿名借三軍勇功推百中難主皮
山郡晚飲筭柳營寒明日開鈴閣新詩雙玉盤

晚登虔州即事寄李侍御

章溪與貢水何事會波瀾萬里歸人少孤舟行路難春
光浮曲浪暮色隔連灘花發從南早江流向北寬故交
參盛府新角聳危冠楚劍期終割隋珠惜未彈酒醒愁
轉極別遠淚初乾願保喬松質青青過大

一作寒

奉和第五相公登鄱陽郡城西樓

茂德爲邦久豐貂舊相尊發生傳雨露均養助乾坤曉

肆登樓目春一本銷戀關窺女牆分吏事遠一作闡道啟津一本缺

門盜浦潮聲盡鍾陵暮色繁夕陽移夢土芳草接湘源

封內羣甍復兵間百賦存童牛耕廢畝壕木一作遶新村

野步漁聲一作歌一作溢荒祠鼓舞喧高齋成五字遠岫發孤猿

一顧承英達多榮及子孫家貧仍受賜身老未酬恩屬

和瑤華曲堪將繫組綸

甘泉詩 并序

甘泉美良牧也覃懷舊水鹹鹵人多一作疫患天慙

遺甍是生王公惠和既敷妙用潛應頃修壘虞寇

鑿井便漑忽遇醴泉香美若飴遂命水工浚渫餘

泥葺欄備綆維人所欲萬餅繼絜道路紛紛既蠲
諸邪亦愈羣瘵豈止夫宜鹽漱之用增烹飪之味
客乃率然遂賦茲什
異井甘如醴深仁遠未涯氣寒堪破暑源淨自蠲邪修
綆懸冰斲新桐一作蔭玉沙帶星凝曉露拂霧湧秋華絲
溢涵千仞清冷飲萬家何能葛洪宅終日閉煙霞

發綿津驛

孤舟北去暮心傷細雨東風春草長杳杳短亭分水陸
隆隆遠鼓集漁商千叢野竹連湘浦一派寒江下吉陽
欲問長安今遠近初年一作逢塞雁有歸行

對臂千塞曲

慣習于戈事鞍馬初從小在邊城身微久屬千夫長
家遠多親五郡兵嬾說疆場曾大獲且悲年鬢老長征
塞鴻過盡殘陽裏樓上悽悽一作暮角聲

路旁老人
老人獨坐倚官樹欲語潛然淚便垂陌上歸心無產業
城邊戰骨有親知餘生尚在艱難日長路多逢輕薄兒
綠水青山雖似舊如今貧後復何為

贈別劉負外長卿

清如寒玉直如絲世故多虞事莫期建德津亭人別夜
新安江水月明時為文易老皆知苦謫宦無名倍足悲
不學朱雲能折檻空羞獻納在丹墀

宿萬固

一作回

寺因寄嚴補闕

白

日

曉隨樵客到青冥，因禮山僧宿化城。
鐘梵已休初入定，有無皆證本難名。
雲開半夜千林靜，月上中峰萬壑明。
爲報故人雷處士，塵心終日自勞生。

岐陽客舍呈張明府

逸妻稚子應溝壑，歸路茫茫東去遙。
涼葉下時心悄悄，空齋夢裏雨蕭蕭。
星霜漸見侵華髮，生長虛聞在聖朝。
知己只今何處在，故山無事別漁樵。

奉和李觀察登河中白樓

城上高樓飛鳥齊，從公一遂躡丹梯。
黃河曲盡流天外，白日輪輕

一作傾

落海西玉樹九重長，在夢雲衢一望杳如

迷何心更和陽春奏况復秋風聞戰鼙

朝下寄韓舍人

侍臣鳴珮出西曹鸞殿分階翊綵旄瑞氣迴浮青玉案
日華遙上赤霜袍花間焰焰雲旗合鳥外亭亭露掌高
肯念萬年芳樹裏隨風一葉在蓬蒿

賀李觀察禱河神降雨

質明齋祭北風微騶馭千羣擁廟扉玉帛纒敷雲淡淡
莖鏞未撤雨霏霏路邊五稼添膏長河上雙旌帶溼歸
若出敬亭山下作何人敢和謝玄暉

上將行一作上乘
行軍中丞

蕭關掃定犬羊羣一作胡塵已
滅天山外閉閣層城白日一作陰
陰日復曛櫪上

驛駟嘶鼓角門前老將識風雲旌旗四面寒山映一作高

絲管一作竹千家靜夜聞誰道古來多簡冊一作書功臣一作戎唯有

衛一作是李將軍一作更想他時看竹

許下書情寄張韓二舍人

謫宦軍城老更悲近來頻夜夢丹墀銀杯乍滅心中火

金鑷唯多鬢上絲一作年然在滅心中繞院一作履綠苔聞雁處

滿庭黃葉閉門時故人高步雲衢上肯念前程杳未期

重陽寒寺滿秋梧客在樓顧老夫步蹇強登遊藻井

髮稀那更揀茱萸橫空過雨千峰出大野新霜萬葉枯

更望尊中菊花酒殷勤能得幾回沽

一作萬壑鋪

更送大谷高少府

縣屬并州北近胡悠悠此別官仍孤應知史筆思循吏
莫料轅門笑魯儒古塞草青宜牧馬春城月暗好啼烏
彫殘貴有親仁術梅福何須去隱吳

同李端春望

二毛羈旅尚迷津萬井鶯花雨後春宮闕參差當晚日
山河迤邐靜纖塵和風醉裏承恩客芳草歸時失意人
南北東西各自去年年依舊物華新

嶽祠送薛近貶官

枯松老柏仙山下白帝祠堂枕古達遷客無辜祝史告
神明有喜女巫知遙思桂浦人空去遠過衡陽雁不隨

度嶺梅花翻向北回看不見樹南枝

送友人遊江南

遠別悠悠白髮新江潭何處是通津潮聲偏懼初來客
海味唯甘久住人漠漠煙光前浦晚青青草色定山春
汀洲更有南迴雁亂起聯翩北向秦

長門怨

聞道昭陽宴嘖蛾落葉中清歌逐寒月遙夜入深宮

秋日

反照入閭巷憂來與誰一作愁語古道無一作人行秋風動

禾黍

秋夜

高秋夜分後遠客雁來時寂寞重門掩無人問所思

慈恩寺殘春

雙林花已盡葉色占殘芳若問同遊客高年最斷腸

早次睢_都縣界

疋馬曉路_{一作言}歸悠悠渭川道晴山向孤城秋日滿白草

路傍墓

石馬雙雙當古樹不知何代公侯墓墓前靡靡_{一作菲}春草

深唯有行人看碑路

代園中老人

傭賃難_{一作誰}堪一老身皤皤力役在青春林園手種唯吾

事桃李成陰歸別人

古意

雖言千騎上頭居
一世生離恨有餘
葉下綺窗銀燭冷
含帝自草錦中書

涼州詞

國使翻翻隨旆旌
隴西岐路足荒城
羶裘牧馬胡雛小
日暮蕃歌三兩聲

安邑王校書居

秋來池館清
夜聞宮漏聲
迢遞玉山迴
泛灩銀河傾
琴上松風至
窗裏竹煙生
多君不家食
孰云事巖耕

登總持寺閣

今日登高閣
三休忽自悲
因知筋力減
不及往年時
草

樹還如舊山河亦在茲龍鍾兼老病更有重來期

寄錢起

一作司空曙詩

草長花落樹羸病強尋春無復少年意空餘華髮新青
原高見水白社靜逢人寄謝南宮客軒車不見親
宿青龍寺故曇上人院

年深宮院在閒客自相逢閉戶臨寒竹無人有夜鐘降
龍今已去巢鶴竟何從坐見繁星曉淒涼識舊峯

新蟬

一作司空曙詩

今朝蟬忽鳴遷客若為情便覺一年謝能令萬感生微
風方滿樹落日稍沈城為問同懷者淒涼聽幾聲

秋中雨田園即事

漠漠重雲暗蕭蕭密雨垂為霖淹古道積日滿荒陂五
稼何時獲孤村幾戶炊亂流發通圃腐葉著秋枝暮爨
新樵溼晨漁舊浦移空餘去年菊花發在東籬

善文並拜新月

一作李端詩

開簾見新月便即下階拜細語人不聞北風吹裙帶

客行贈人

旅行雖別路日暮各思歸欲下今朝淚知君亦溼衣

贈山老人

白首獨一身青山為四隣雖行故鄉陌不見故鄉人

冠客贈胡居士坐於報恩院莫回望青草為詩

孔融過五十海內故人稀相府恩猶在知君未拂衣

薦福寺送元偉

送客攀花後，尋僧坐竹時。明朝莫回望，青草馬行遲。

觀鄰老栽松

雖過老人宅，不解老人心。何事斜陽裏，栽松欲待陰。

哭麴象

一作司空曙詩

憶昨秋風起，君曾歎逐臣。何言芳草日，自作九泉人。

哭苗垂

舊友無由見，孤墳草欲長。月斜鄰笛盡，車馬出山陽。

題雲際寺故僧院

白髮怱怱色，青山草草心。遠公仍下世，從此別東林。

白

高樹多涼吹疎蟬足斷聲

見海錄
碎事

卷之十

斜陽

萬樹參天如斬靴

此詩見

全唐詩

戎昱

戎昱荆南人登進士第衛伯玉鎮荆南辟爲從事建中
中爲辰虔二州刺史集五卷今編詩一卷今自與戎昱

塞下一作曲

慘慘寒日没北風卷蓬根將軍領疲兵却入古塞門回
頭指陰山殺氣成黃雲

上山望胡兵胡馬馳驟速黃河水已合意又向南牧嫖
姚夜出軍霜雪割人肉其苦
塞北無草木烏鳶巢僵屍決濟沙漠空終日胡風吹戰
卒多苦辛辛苦辛無四時

晚渡西海西向東看日沒傍岸砂礫堆半和戰兵骨單
手竟未滅陰氣常勃勃

城

一作樓

上畫角哀即

一作則

知兵心苦試問左右人無言淚如

雨何意休明時終年事鞞鼓

北風凋白草胡馬日駸駸夜後戍樓月秋來邊將心鐵

衣霜露

一作雪

重戰馬歲年深自有盧龍塞煙塵飛至今

苦哉行五首

寶應中過滑州洛陽後同王季友作

彼鼠侵我廚縱狸授梁肉鼠雖為君却狸食自須足冀
雪大國恥翻是大國辱羶腥逼綺羅墀瓦雜珠玉登樓
非騁望目笑是心哭何意天樂中至今奏胡曲

官軍收洛陽家住洛陽里夫婿與兄弟目前鬼傷死吞

聲不許哭還遣衣羅綺上馬隨匈奴數秋黃塵裏生爲
名家女死作塞垣鬼鄉國無還期天津哭流水

登樓望天衢目極淚盈睫笑無笑容須妝舊花靨昔
年買奴僕奴僕來碎葉豈意未死問自爲匈奴妾一生
忽至此萬事痛苦業得出塞垣飛不如彼蜂蝶

妾家清河邊七葉承貂蟬身爲最小女偏得渾家憐親
戚不相識幽閨十五年有時最遠出祇到中門前前年
狂胡來懼死翻生全今秋官軍至豈意遭戈鋌匈奴爲
先鋒長鼻黃髮拳彎弓獵生人百步牛羊羶脫身落虎
口不及歸黃泉苦哉難重陳暗哭蒼蒼天

可汗奉親詔今月歸燕山忽如亂刀劒攪妾心腸間出

戶望北荒迢迢玉門關生人爲死別有去無時還漢月
割妾心胡風凋妾顏去去斷絕魂叫天天不聞

苦辛行

且莫奏短歌聽余苦辛詞如今刀筆士不及屠沽兒少
年無事學詩賦豈意文章復相悞東西南北少知音終
年竟歲悲行路仰面訴天天不聞低頭告地地不言天
地生我尚如此陌上他人何足論誰謂西江深涉之固
無憂誰謂南山高可以登之遊險巖唯有世間路一晌
令人堪白頭貴人立意不可測等閑桃李成荊棘風塵
之士深可親心如雞犬能依人悲來却憶漢天子不棄
相如家舊負勸君且飲酒酒能散羈愁誰家有酒判一

醉萬事從他江水流

長安秋夕

一作中秋感懷

八月更漏長愁人起常早閉門寂無事滿院一作地生秋草

昨宵西

一作北

窗夢夢入荆南

一作門

道遠客歸去來在家貧亦

好

羅江客舍

山縣秋雲闇茅亭暮雨寒自傷庭葉下誰問客衣單有興時添酒一作開卷無聊嬾整冠近來鄉國夢夜夜到長安

贈岑郎中

童年未解讀書時誦得郎中數首詩四海煙塵猶隔闊十年魂夢每相隨一作思雖披雲一作披霧逢迎疾已恨趨風拜

德一作識

遲天下無人鑒詩句不尋詩伯重一作更尋誰

聞笛

一作李益詩

入夜思歸切笛聲清

一作寒

更哀愁人不願聽自到枕前一作送

來風起塞雲斷夜深關月開平明獨惆悵飛盡一庭梅

漢上題韋氏莊

結茅同楚客卜築漢江邊日落數歸鳥夜深聞扣舷水
痕侵岸柳山翠借廚煙調笑提筐婦春來蠶幾眠

閨情

側聽宮官說知君寵尚存未能開笑頰先欲換愁魂寶
鏡窺粧影紅衫裛淚痕昭陽今再入寧敢恨長門

衡陽春日游僧院

曾共劉諮議同時事道林與君相掩淚來客豈知心
雪凌春積爐煙向暝深依然舊童子相送出花林

玉臺體題湖上亭

湖入縣西邊湖頭勝事偏綠竿初長笋紅穎未開蓮
蔽日高高樹迎人小小船清風長入坐夏月似秋天

早梅

一樹寒梅白玉條迴臨村路傍溪橋應緣一作不知近水花先
發疑是經春一作冬雪未銷

移家別湖上亭

好是一作去春風湖上亭柳條藤蔓繫離情黃鶯久住渾相
識欲別頻啼四一作三五聲

客堂秋夕

隔窗螢影滅復流北風微雨虛堂秋蟲聲竟夜引鄉淚
蟋蟀何自知人一作知人自愁四時不得一日樂以此方悲客

遊惡

一作
宋落

寂寂江城無所聞梧桐葉上滿蕭索

湖南雪中留別

草草還草草湖東別離早何處愁殺人歸鞍雪中道出
門迷轍跡雲水白浩浩明日武陵西相思鬢堪老

贈別張駙馬

上元年中長安陌見君朝下欲歸宅飛龍騎馬三十匹
一作玉勒雕鞍照初日數里衣香遙撲人長衢雨歇無纖
塵從奴斜抱勅賜錦雙雙蹙出金麒麟天子愛壻皇后

弟獨步明時負權勢一身扈蹕承殊澤甲第朱門聳高
戟鳳凰樓上伴吹簫鸚鵡杯中醉留客泰去否來何足
論宮中晏駕人事翻一朝負譴辭丹闕五年待罪湘江
源冠冕淒涼幾遷改眼看桑田變成海華堂金屋別賜
人細眼黃頭總何在渚宮相見寸心悲嬾欲今時問昔
時看君風管殊未歇不用愁來雙淚垂

涇州觀元戎出師

寒日征西將蕭蕭萬馬叢吹笳覆樓雪祝纛滿旗風遮
虜黃雲斷燒羌白草空金鏡肅天外玉帳靜霜中朔野
長城閉河源舊路通衛青師自老魏絳賞何功槍壘依
沙迴轅門歷塞雄燕然如可勒萬里願從公

從軍行

昔從李都尉雙鞬照馬蹄
擒生黑山北殺敵黃雲西
太白沈虜地邊草復萋萋
歸來邯鄲市百尺青樓梯
感激然諾重平生膽力齊
芳筵暮歌發豔粉輕鬢低
半酣一作醉秋風起鐵騎門前嘶
遠戍報烽火孤城嚴鼓鼙
揮鞭望塵去少婦莫含啼

古意

女伴朝來說知君欲棄捐
嬾梳明鏡下羞到畫堂前
有淚霑脂粉無情理管弦
不知將巧笑更遣向誰憐

聽杜山人彈胡笳

一本題下有歌字

綠琴胡笳誰妙彈
山人杜陵名庭蘭
杜君少與山人友

山人沒來今已久當時海內求知音囑付胡笳入君手
杜陵攻琴四十年琴聲在音不在弦座中爲我奏此曲
滿堂蕭颯如窮邊第一第二拍淚盡蛾眉沒蕃客更聞
出塞入塞聲穹廬遶帳難爲情胡天雨雪四時下五月
不曾芳草生須臾促軫變宮徵一聲悲兮一聲喜南看
漢月雙眼明却顧胡兒寸心死迴鶻數年收洛陽洛陽
士女皆驅將豈無父母與兄弟聞此哀情皆斷腸杜陵
先生證此道沈家祝家皆絕倒如今世上雅風衰若箇
深知此聲好世上愛箏不愛琴則明此調難知音今朝
促軫爲君奏不向俗流傳此心

詠史

一作和蕃

漢家青史上計拙是和親社稷依明主安危託婦人豈
能將玉貌便擬靜胡一作煙塵地下千年骨誰爲輔佐臣

桂州臘夜

坐到三更盡歸仍萬里賒雪聲偏傍竹寒夢不離家曉
角分殘漏孤燈落碎花二年隨驃騎辛苦向天涯

再赴桂州先寄一作李大夫

玷玉甘長棄朱門喜再遊過因讒後重恩合死前酬養
驥須憐瘦栽松莫厭秋今朝兩行淚一半血和流

題招提寺

招提精舍好石壁向江開山影水中盡鳥聲天上來一
燈傳歲月深院一作殿長莓苔日暮雙林磬泠泠一作玲送客回

謫官辰州冬至日懷

去年長至在長安策杖曾簪獬豸冠此歲長安遂至日
下堦遙想雪霜寒夢隨行伍朝天去身寄窮荒報國難
北望南郊消息斷江頭唯有淚闌干

贈韋況徵君

身欲逃名名自隨鳳銜丹詔降茅茨苦節難違天子命
貞心唯有老松知回看藥竈封題密強入蒲輪引步遲
今日巢由舊冠帶聖朝風化勝堯時

送吉州閩使君入道二首

聞道桃源去塵心忽自悲余當從宦日君是棄官時金
汞封仙骨靈津噓玉池受傳三籙備起坐五雲隨洞裏

花常發人間鬢易衰他年會相訪莫作爛柯棊

廬陵太守近隳官霞一作月帔初朝五一作五帝壇風過鬼神延

一作迎受籙夜深龍虎衛燒丹水容入鏡纖埃靜玉液添一作傾

餅漱齒寒莫遣桃花迷客路千山萬水訪君難

入劔門

劔門兵革後萬事盡堪悲烏鼠無巢穴兒童話別離山
川同昔日荆棘是今時征戰何年定家家有畫旗

過商山

雨暗商山過客稀路傍孤店閉柴扉卸鞍良久茅簷下
待得巴一作樵採歸

閩春宴花溪嚴侍御莊

一團青一作春翠色云是子陵家山帶新晴雨溪留閏月花

瓶開中漉酒地坼筍抽芽綵縵一作何幸承顏面一作服朝朝賦一作奏

白華

歲暮客懷

異鄉三十口親老復家貧無事乾坤內虛為翰墨人歲華南去後愁夢北來頻惆悵江邊柳依依又欲春

秋望興慶宮

先皇歌舞地今日未遊巡幽咽龍池水淒涼御榻塵隨風秋樹葉對月老宮人萬事如桑海悲來欲慟一作動神

送鄭鍊師貶辰州

辰州萬里外想得逐臣心謫去刑名柱人間痛惜深誤

將瑕指玉遂使謾

一作謾

消金計日西歸在休為澤畔吟

雲夢故城秋望

故國遺墟在登臨想舊遊一朝人事變千載水空流夢

渚鴻聲

一作毛

一作鷗

荆門樹色秋片雲凝不散遙挂望鄉

愁

秋日感懷

洛陽岐路信悠悠無事辭家兩度秋日下未馳千里足
天涯徒泛五湖舟荷衣半浸綠鄉淚玉貌潛銷是客愁
說向長安親與故誰憐歲晚尚淹留

送王明府入道

何事陶彭澤明時又挂冠為耽泉石趣不憚薜蘿寒輕

雪籠紗帽孤猿傍
醮壇懸懸思一作老松下
金甌夜燒丹

秋月一作江城秋夜

江干入夜柝聲秋
百尺疎桐挂斗牛
思苦自看一作綠明月
苦人愁不是月華愁

賦得鐵馬鞭

成器雖因匠
懷剛本自天
為憐持寸節
長擬靜三邊
未入英髦用
空存鐵石堅
希君剖腹取
還解抱龍泉

聞顏尚書陷賊中

聞說一作傳道征南没
那堪故吏聞
能持蘇武節
不受馬超勳
國破無家一作人
信天秋有鴈
羣同榮不同辱
今日負將軍

送蘇參軍

憶昨青襟醉裏分酒醒回首愴離羣舟移極浦城初掩
山東長江日早曛客一作來有恨空思德別後誰人更議
文常歎蘇生官太屈應緣才似鮑參軍

成都元十八侍御

不見元生已數朝浣花溪路去非遙客舍早知渾寂寞
交情豈謂更蕭條空有寸心思會面恨無單酌遣相邀

驊驄

一作驄

幸自能馳驟何惜揮鞭過柞橋

觀衛尚書九日對中使射破的

盛宴傾黃菊殊私降紫泥月營開射圃霜旆拂晴霓出
將三朝寶彎弓五善齊腕迴金鏃滿的破綠弦低勇氣
干牛斗歡聲震鼓鼙忠臣思報國更欲取關西

辰州問大駕還宮

聞道鑾輿歸魏闕望雲西拜喜成悲寧知隴水煙銷日
再有園林秋薦時渭水戰添亡虜血秦人生覩舊朝儀
自慚出守辰州畔不得親隨日月旗

辰州建中四年多懷

荒徼辰陽遠窮秋瘴雨深主恩堪灑血邊宦更何心海
上紅旗滿生前白髮侵竹寒寧改節隼靜早因禽務退
問多掩愁來酒獨斟天涯憂國淚無日不霑襟

上桂州李大夫

今日辭門館情將衆別殊感深翻有淚仁過曲憐愚晚
鏡傷秋鬢晴寒切病軀煙霞一作萬里關宇宙一身孤

一作迂倚馬才寧有登龍意豈無唯於方寸內暗貯報恩珠

江城秋霽

霽後江城風景涼豈堪登眺只堪傷遠天蟬螀收殘雨
映水鷓鴣近夕陽萬事無成空過日十年多難不還鄉
不知何處銷茲恨轉覺愁隨夜夜長

上李常侍

旌旗曉過大江西七校前驅萬隊齊千里政聲人共喜
三軍令肅馬前嘶恩霑境內風初變春入城陰柳漸低
桃李不須令更種早知門下舊成蹊

上湖南崔中丞

山上青松陌上塵雲泥豈合得相親舉世盡嫌良馬瘦

唯君不棄厭臥龍貧千金未必能移性一諾從來許殺身莫道書生無感激寸心還是報恩人

早春雪中

陰雲萬里晝一作盡漫漫愁坐關心事幾般為報春風休下

雪柳條初放一作發不禁寒

雲安阻雨

日長已峽雨濛濛又說歸舟路未通遊人不及西江水先得東流到渚宮

湖南春日二首

自憐春日客長沙江上無人轉憶家光景却添鄉思苦簷前數片落梅花

三湘漂寓若流萍萬里湘一作鄉隔洞庭羈客春來心欲
碎東風莫遣柳條青

送陸秀才歸覲省

武陵何處在南指楚雲陰花萼連枝一作近桃源去路深
啼鶯徒寂寂征馬已駸駸上千年柳條條挂我心

戲題秋月

秋宵月色勝春宵萬里天涯靜寂寥近來數夜飛霜重
只畏娑婆樹葉凋

宿湘江

九月湘江水漫流沙邊唯覽月華秋金風浦上吹黃葉
一夜紛紛滿客舟

戲贈張使君

數載蹉跎罷搢紳五湖乘興轉迷津
如今野客無家第醉處尋常是主人

別公安賈明府

葉縣門前江水深淺於羈客報恩心
把君詩卷西歸去一度相思一度吟

霽雪

一作韓舍人書窗殘雪

風卷寒

一作黃

雲

一作長空

暮雪晴江煙洗盡柳條

一作枝

輕簷前數片

無人埽又得書窗一夜明

漢陰弔崔員外墳

遠別望有歸葉落

一作落葉

望春暉所痛泉路人一去無還期

荒墳遺漢陰墳樹啼子規存沒抱冤滯孤魂意何依豈
無骨肉親豈無深相知曝露不復問高名亦何爲相攜
慟君罷春日空遲遲

題槿花

自用金錢買槿栽二年方始得花開鮮紅未許佳人見
蝴蝶爭知早到來

題宋玉亭

宋玉亭前悲暮秋陽臺路上雨初收應緣此處人多別
松竹蕭蕭也帶愁

過東平軍

畫角初鳴殘照微營營鞍馬往來稀相逢士卒皆垂淚

八座朝天何日歸

送辰

一作新

州鄭俊君

誰人不謹譎君去獨堪傷長子家無弟一作弟慈親老在堂
驚魂隨驛吏冒暑向炎方未到猿啼處參差已斷腸

江上柳送人

一本題上有賦得二字

江柳斷腸色黃絲垂未齊人看幾重恨鳥入一枝低鄉
淚正堪落與君又解攜相思萬里道春去夕陽西

湘南曲

虞帝南遊不復還翠蛾幽怨水雲間昨夜月明湘浦宿
閨中珂珮度空山

桂州西山登高上陸大夫

登高上山上高處更堪愁野菊他鄉酒蘆花滿眼秋風
煙連楚郡兄弟客一作荆州早晚朝天去親隨定遠侯

寄鄭鍊師

平生金石友淪落向辰州已是二年客那堪終日愁尺
書渾不寄兩鬢計應秋今夜相思月情人南海頭

八月十五日

憶昔千秋節懽娛萬國同今來六親遠此日一悲風年
少逢胡亂時平似夢中梨園幾人在應是涕一作無窮

征人歸鄉

三月江城柳絮飛五年遊客送人歸故將別淚和鄉淚
今日闌干濕汝衣

駱家亭子納涼

江湖思渺然不離國門前
折葦魚沈藻攀藤鳥出煙
生衣宜水竹小酒入詩篇
莫怪侵星坐神清不欲眠
逢隴西故人憶關中舍弟

莫話邊庭事心摧不欲聞
數年家隴地舍弟歿胡軍
每念支離苦常嗟骨肉分
急難何日見遙哭隴西雲

秋夜

一本有宿字

梁十三廳事

今來秋已暮還恐未成歸
夢裏家仍遠愁中葉又飛
竹聲風度急燈影月來微
得見梁夫子心源有所依

成都暮雨秋

一作秋雨

九月龜城暮愁人閉草堂
地卑多雨潤天暖少秋霜
縱

欲傾新酒其如憶故鄉不知更漏意惟向客

一作枕邊長

酬梁二十

渚宮無限客相見獨相親長路皆同病無言似一身歲
寒唯愛竹憔悴不堪春細與知音說政文恐悞人

花下宴送鄭鍊師

愁裏惜春深聞幽即共尋貴看花柳色圖放別離心客
醉花能笑詩成花

一作酒

伴吟爲君調綠綺先奏鳳歸林

秋館雨後得弟兄書即事呈李明府

弟兄書忽到一夜喜兼愁空館復聞雨貧家怯到秋坐
中孤燭暗窗外數螢流試以他鄉事明朝問子游

寄梁淑

長憶江頭執別時，論文未有不相思。
鴈過經秋無尺素，人來終日見新詩。
心思食藥何由展，家似流萍任所之。
悔學秦人南避地，武陵原上又徵師。

送張秀才之長沙

君向長沙去，長沙僕舊諳。

一作

桂嶺北終是闕

一作庭

南山靄生朝，雨江煙作夕。
嵐松醪能醉，客慎勿滯湘潭。

塞下一作曲

漢將歸來虜，塞空旌旗初。
下玉關東，高蹄戰馬三千匹。
落日平原秋草中。

送僧法和

一作送亮法師

達士心無滯，他鄉總是家。
問經翻貝葉，論法指蓮花。
欲

契真空義先開智慧芽不知飛錫後何處是汨沙

送嚴十五郎之長安

送客身為客思家愴別家暫收雙眼淚遙想五陵花路

遠征車迴山迴劍閣斜長安君到日春色未應一作曾賒

冬夜宴梁十三廳

故人能愛客秉燭會吾曹家為朋徒罄心緣翰墨勞夜
寒銷臘酒霜冷重綈袍醉臥西窗下時聞鴈響高

收襄陽城二首

悲風慘慘雨修修峴北山低草木愁暗發前軍連夜戰
平明旌旆入襄州

五營飛將擁霜戈百里僵屍滿灑河日暮歸來看劍血

將軍却恨殺人多

出軍

龍繞旌竿獸滿旗
翻營乍似雪中移
中軍一隊三千騎
盡是并州遊俠兒

和李尹種葛

弱質人皆棄
唯君手自栽
藟含霜後竹
香惹臘前梅
擬託凌雲勢
須憑接引材
清一作綠陰如可惜
黃鳥定飛來

送零陵妓

一作送妓
赴于公名

寶鈿香蛾翡翠裙
裝成掩泣欲行雲
殷勤好取襄王意
莫向陽臺夢使君

採蓮曲二首

雖聽採蓮曲詎識採蓮心
漾檝愛花遠回船愁浪深
煙生極浦色日落半江陰
同侶憐波靜看救隨玉簪
涔陽女兒花滿頭
毵毵同泛木蘭舟
秋風日暮南湖裏
爭唱菱歌不肯休

塞上曲

胡風畧地燒連山
碎葉孤城未下關
山頭烽子聲一作齊聲
叫知是將軍夜獵還

寂上人禪房

俗塵浮垢閉禪關
百歲身心幾日閑
安得此生同草木
無管長在四時間

桂州口號

畫角三聲動客愁
曉霜如雪覆江樓
誰道桂林風景暖
到來重著皂貂裘

紅槿花

花是深紅葉麴塵
不將桃李共爭春
今日驚秋自憐客
折來持贈少年人

哭黔中薛大夫

亞相何年鎮百蠻
生涯萬事瘴雲間
夜郎城外誰人哭
昨日空餘旌節還

感春

看花淚盡知春盡
魂斷看花祇恨春
名位未霑身欲老
詩書寧救眼前貧

途中寄李二

一作李
菴詩

楊柳煙含灞岸春
年年攀折爲行人
好風若借低枝便
莫遣青絲掃路塵

寄許鍊師

一作李
菴詩

白石夾香禮碧空
露華偏濕藥珠宮
如何說得天壇在
萬里無雲月正中

下第留辭顧侍郎

綺陌彤彤花照塵
王門侯邸盡朱輪
城南舊有山村路
欲向雲霞覓主人

題雲公山房

一作權德輿詩
又作楊巨源詩

雲公蘭若深山裏
月明松殿微風起
試問空門清淨心

蓮花不著秋潭水

別離作

一作戴叔倫詩

手把杏花枝未曾別離黃昏掩門後寂寞自心知

九日賈明府見訪

獨掩衡門秋景開洛陽才子訪柴關莫嫌濁酒君須醉
雖是貧家菊也斑同人願得長攜手久客深思一破顏
却笑孟嘉吹帽落登高何必上龍山

開元觀陪杜大夫中元日觀樂

第八句缺一字

今朝歡稱玉京天況值關東俗理年舞態疑迴紫陽女
歌聲似過綵雲仙盤空雙鶴驚凡劍灑砌三花度管弦
落日香塵擁歸騎風油幕動高煙

中秋夜登樓望月寄人

西樓見月似江城脈脈悠悠倚檻情
萬里此情同皎潔
一年今日最分明
初驚桂子從天落
稍誤蘆花帶雪平
知稱玉人臨水見
可憐光彩有餘清

贈宜陽張使君

暫作宜陽客
深知太守賢
政移千里俗
人戴兩重天
舊郭多新室
閑坡盡闢田
倘令黃霸在
今日恥同年

移家別樹

千^{一作}種庭前樹
人移樹不移
看花愁作別
不及未栽時

成都送嚴十五之江東

江東萬里外
別後幾悽悽
峽路花應發
津亭柳正齊
酒

傾遲日暮川闊遠天低心繫征帆上隨君到剡溪

送李參軍

好住好住王司戶珍重珍重李參軍一東一西如別鶴
一南一北似浮雲月照疎林千片影風吹寒水萬里紋
別易會難今古事非是余今獨與君

題嚴氏竹亭

子陵棲遁處堪繫野人心溪水浸山影嵐煙向竹陰忘
機看白日留客醉瑤琴愛此多詩興歸來步步吟

送王端公之太原歸覲相公

柱史今何適西行詠陟岡也知人惜別終美鴈成行春
雨桃花靜離尊竹葉香到時丞相閣應喜棣華芳

旅次寄湖南張郎中

寒江近戶漫流聲，竹影臨窗亂月明。
歸夢不知湖水闊，夜來還到洛陽城。

晚次荊江

孤舟大江水，水涉無昏曙。
雨暗迷津時，雲生望鄉處。
漁翁閑自樂，樵客紛多慮。
秋色湖上山，歸心日邊樹。
徒稱竹箭美，未得楓林趣。
向夕垂釣還，吾從落潮去。

同辛兖州巢父虛副端岳相思獻酬之作因紆
歸懷兼呈辛魏二院長楊長寧

暮角發高城，情人坐中起。
臨觴不及醉，分散秋風裏。
雖有明月期，離心若千里。
前歡反惆悵，後會還如此。
焉得

夜淹留一回終宴喜
羈遊復牽役館至重湖水早晚泛
歸舟吾從數君子

撫州處士湖泛舟送北迴兩指此南昌縣查溪
蘭若別

移樽鋪山曲祖帳查溪陰
鋪山即遠道查溪非故林
悽然誦新詩落淚霑素襟
郡政我何有別情君獨深
禪庭古樹秋宿雨清沈沈
揮袂故里遠悲傷去住心

耒陽谿夜行

為傷社甫作

乘夕棹歸舟綠源二轉幽
月明看嶺樹風靜聽溪流
嵐氣船間入霜華衣上浮
猿聲雖此夜不是別家愁

桂城早秋

遠客驚秋早江天夜露新滿庭惟有月空館更何人卜
命知身賤傷寒舞劍頻後啼曾下淚可是爲憂貧

桂州歲暮

歲暮天涯客寒窗欲曉時君恩空自感鄉思夢先知重
誼人愁別驚樓鵲戀枝不堪樓上角南向海風吹

宿桂州江亭呈康端公

獨向東亭坐三更待月開螢光入竹去水影過江來露
滴千家靜年流一葉催龍鍾萬里客正合故人哀

全唐詩

竇叔向

竇叔向字遺直京兆人代宗時常袞爲相引爲左拾遺
內供奉袞貶出爲溧水令五子羣常牟庠鞏皆工詞章
有聯珠集行於時叔向工五言名冠時輩集七卷今存
詩九首

寒食日恩賜火

恩光及小臣華燭忽驚春電影隨中使星輝拂路人幸
因榆柳暖一照草茅貧

端午日恩賜百索

仙宮長命纓端午降殊私事盛蛟龍見恩深犬馬知餘

生儻可續終冀荅明時

貞懿皇后挽歌三首

今存
二首

二陵恭婦道六寢盛皇情禮遜生前貴恩追歿後榮幼
至親捧土愛女復連塋東望長如在誰云向玉京

後庭攀畫柳上陌咽清笳命婦羞蘋葉都人插柰花壽
宮星月異仙路往來賒縱有迎仙

一作
神

術終悲隔絳紗

秋砧送邑

一作
大夫

斷續長門下清冷逆旅秋征夫應待信寒女不勝愁帶
月飛城上因風散陌頭離居偏入聽况復送歸舟

過擔石湖

曉發漁門戍晴看擔石湖日銜高浪出天入四空無尺

寸一作
咫尺分洲島纖毫指辨作船艫渺然從此去誰念客帆孤

春日早朝應制

紫殿俯千宮春松應合歡御爐香焰暖馳道玉聲寒乳
燕翻珠綴祥鳥集露盤宮花一萬樹不敢舉頭看

酬李袁州嘉祐

少年輕會復輕離老大關心總是悲強說前程聊自慰
未知攜手定何時公才屈指登黃閣匪服胡顏上赤墀
想到長安誦佳句滿朝誰不念瓊枝

夏夜宿表兄話舊

夜合花開香滿庭夜深微雨醉初醒遠書珍重何曾達
舊事淒涼不可聽去日兒童皆長大昔年親友半凋零

明朝又是孤舟別愁見河橋酒幔青

句

禁兵環素帟宮女哭寒雲

哀挽第三首止存
二句見聯珠集叙

竇常

竇常字中行大曆中及進士第隱居廣陵之柳楊著書
二十年不出後淮南節度杜佑辟爲叅謀元和間自湖
南判官入爲侍御史轉水部員外郎出刺朗州固陵潯
陽臨川四郡入爲國子祭酒致仕卒贈越州都督有集
十八卷今存詩二十六首

晚次方山精舍却寄張薦員外

楚臘還無雪江春又足風馬羸三逕外人病四愁中西

寒波瀟闊南朝寺舍空猶銜步兵酒宿醉在除_{一作}東

和裴端公樞蕪城秋夕簡遠近親知

歲積登朝戀秋加陋巷貧宿醒因夜歇佳句得愁新盡
日憑幽几何時上軟輪漢廷風憲在應念匪躬人

項亭懷古

力取誠多難天亡路亦窮有心裁帳下無面到江東命
凡畱騅處年銷逐鹿中漢家神器在須廢拔山功

奉使西還早發小礪館寄盧滁州邁

野棠花覆地山館夜來陰馬蹟穿雲去雞聲出澗深清
風時偃草久旱或爲霖試與惇嫠話猶堅借寇心

早發金鉤店寄奚十唐大二茂才

出門山未曙風葉暗蕭蕭月影臨荒柵泉聲近廢橋歲
經秋後役程在洛中遙寄謝金門侶弓旌悞見招

途中立春寄楊郇伯

浪跡終年客驚心此地春風前獨去馬澤畔耦耕人老
大交情重悲涼外物親子雲今在宅應見柳條新

故秘監丹陽郡公延陵包公挽歌調

卓絕明時第孤貞貴後貧却說爲冑子季札是鄉人筆
下調金石花間領搢紳那堪歸葬日哭渡柳楊津

涼國惠康公主挽歌

玉立分堯緒笄年下相門早加于氏對偏占館陶恩淚
有潛成血香無却返魂共知何駙馬垂白抱天孫

哭張倉曹南史

萬事竟蹉跎重泉恨若何
官臨環衛小身逐轉蓬多
麗藻嘗專席閑情欲爛柯
春風宛陵路丹旆在滄波

北固晚眺

水國芒種後梅天風雨涼
露蠶開晚簇蠶露於外
淮西皆然江燕繞

危檣山趾北來固潮頭西去長
年年此登眺人事幾銷亡

謁三閭廟

君非三諫寤禮許一身逃
自樹終天戚何裨事主勞
衆魚應餌骨多士盡鋪槽
有客椒漿奠文衰不繼騷

茅山贈梁尊師

雲屋何年客青山白日長種花春掃雪看籙夜焚香上
象壺中闊平生醉裏忙幸承仙籍後乞取大還方

謁諸葛武侯廟

永安宮外有祠堂魚水恩深祿不長角立一方初退舍
擬稱三漢更圖王人同過隙無畱影石在窮沙尚啓行
歸蜀降吳竟何事爲陵爲谷共蒼蒼

奉賀太保岐公承恩致政

一作仕

君爲宮

一作召
公爲

保及清時冠蓋初開拜武

一作舞

遲五色詔中

宣九德百寮班外置三師山泉遂性休稱疾子弟能官
各受詞不學鑄金思范蠡乞言猶許上丹墀

之任武陵寒食日途次松滋渡先寄劉員外禹

錫

杏花榆莢曉風前雲際離離上峽船江轉數程淹驛騎
楚曾三戶少人煙看春又過清明節算老重經癸巳年

憲宗元 幸得一作柱 山當郡舍在朝長詠卜居篇湖州柱

和八年 東十七里
即今德山

奉寄辰州房使君郎中

漢代文明今盛明猶將賈傅暫專城何妨密旨先符竹
莫是除書誤姓名蝸舍喜時春夢去隼旗行處瘴江清
新年只可三十二却笑潘郎白髮生

立春後言懷招沐州李匡衙推

閑齋夜擊唾壺歌試望夷門柰遠何每聽寒笳離夢斷

時窺清鑑旅愁多初驚宵漏丁丁促已覺春風習習和
海內故人君最老花開鞭馬更相過

奉送職方崔員外攝中丞新羅冊使

帝命海東使人行天一涯辨方知木德開國有金家冊

拜申恩重畱歡作限賒順風鯨浪熱一作熱初日錦帆斜夜

色潛然火秋期獨往槎慰安皆喻旨忠信自無瑕髮美

童年髻簪香一作香子月花便隨琛賫入正朔在中華

酬舍弟牟秋日洛陽官舍寄懷十韻

幼為逃難者纔省用兵初去國三苗外全生四紀一作絕餘

老頭親帝里歸處失吾廬逝水猶鳴咽祥雲自卷舒正

郎曾首拜亞尹未平除幾變陶家柳空傳魏闕書思凌

天際鶴言甚，轍中魚玉立。知求已金聲，乍起予在朝。魚水分多病，雪霜居忽報。陽春曲縱橫，恨不如。

求自試

仙禁祥雲合，高梧彩鳳遊。沈冥求自試，通鑒果蒙收。文墨悲無位，詩書謾白頭。陳王抗表日，毛遂請行秋。雙劍曾埋獄，司空問斗牛。希垂拂拭惠，感激願相投。

花發上林

上苑曉沈沈，花枝亂綴陰。色浮雙闕近，春入九門深。向暖風初扇，餘寒雪尚侵。豔回秦女目，愁處越人心。繞繞時縈蝶，關關乍引禽。寧知幽谷羽，一舉欲依林。

過宋氏五女舊居

宋氏女姊五人
貞元中同入宮

謝庭風韻婕妤才天縱斯文去不迴一宅柳花今似雪
鄉人擬築望仙臺

還京樂歌詞

百戰初休十萬師國人西望翠華時家家盡唱升平曲
帝幸梨園親製詞

商山

一作四皓

祠堂卽事

奪嫡心萌事可憂四賢西笑暫安劉後王不敢論珪組
土偶人前枳樹秋

七夕

一本有寄懷二字

露盤花水望三星鬢髻虛無爲降一作降靈斜漢沒時人不
寐幾條蛛網下風庭

杏山館聽子規

楚塞餘春聽漸稀
斷猿今夕讓霜衣
雲埋老樹空山裏
髣髴千聲一度飛

竇牟

竇牟字貽周舉貞元進士第歷佐從事後爲畱守判官
檢校尚書都官郎中出爲澤州刺史改國子司業卒有
集十卷今存詩二十一首

史館候別蔣拾遺不遇

千門萬戶迷佇立
月華西盡戟晨光
動春松宿露低
主文親玉宸通籍
入金閨肯念從戎
去風沙事鼓鞞

早赴臨

一作

臺立馬待漏口號寄弟羣

上陌行初盡嚴城立未開人疑早朝去客是遠方來伏
奏徒將命周行自引才可憐霄漢曙鴛鴦正徘徊

緱氏拜陵迴道中呈李舍人少尹休官歸外主

忽忝諸卿位仍陪長者車禮容皆若舊名籍自憑虛上
路花偏早空山雲甚餘却愁新詠發酬和不相如

陪韓院長韋河南同尋劉師不遇以同尋師三字
分韻年從同字

仙客誠難訪吾人豈易同獨遊應駐景相顧且吟風藥
碗瓊枝秀齋軒粉壁空不題三五字何以達壺公

送東光呂少府之官連帥奏授

遠愛東光縣平臨若木津一城先見日百里早驚春德
禮邀才重恩輝拜命新幾時裁尺素滄海有枯鱗

送劉公達判官赴天德軍幕

特建青油幕量

一作重

分紫禁師自然知
召子不用問從誰

文武輕車少腥膻
左衽衰北風如有寄
畫取受降時

東西

受降城

故秘監丹陽郡公延陵包公挽歌

台鼎嘗虛位夔龍莫致堯
德音冥秘府風韻散清朝
天上文星落林端玉樹凋
有吳君子墓返葬故山遙

望終南

日愛南山好時逢夏景殘
白雲兼似雪清晝乍生寒
九陌峰如墜千門翠可圍
欲知形勝盡都在紫宸看

秋夕閑居對雨贈別盧七侍御坦

燕燕辭巢蟬蛻枝窮居積雨壞籬籬夜長簷霽寒無寢
日晏廚煙溼朱炊悟主一言那可學從軍五首竟徒爲
故人驄馬朝天使洛下秋聲恐要知
晚過敷水驛却寄華州使院張鄭二侍御

春雨如煙又若絲曉來昏處晚晴時仙人掌上芙蓉沼
柱史關西松柏祠幾許歲華銷道路無窮主事繫戎師
迴瞻二妙非吾侶日對三峰自有期

洛下閑居夜晴觀雪寄四遠諸兄弟

雪月相輝雲四開終風助凍不揚埃萬重瓊樹宮中接
一直銀河天上來荆楚歲時知染翰湘吳醇酎憶銜杯
強題縑素無顏色鴻鴈南飛早晚迴

天津曉望因寄呈分司一二省郎
萬乘西都去千門正位虛鑿龍橫碧落提象出華胥望
幸宮嬪老迎春海燕初保釐纔半仗容衛盡空廬要自
詞難擬繇來畫不如散郎無所屬聊事穆清居

早入朝書事

紫陌紛如畫彤庭鬱未晨列星沈騎火殘月暗車塵隱
軫排霄翰差池跨海鱗玉聲籛似樂香澤散成春歎息
驅羸馬分明識故人一生三不遇今作老郎身

元日喜聞大禮寄上翰林四學士中書六舍人

二十韻

有事郊壇畢無私日月臨歲華春更早天瑞雪猶深玉

輦迴時令金門降德音翰飛駕別侶藜植桂爲林粉澤
資鴻筆薰和本素琴禮成戎器下恩徽鬼方沈麟爵來
稱紀官師退絕箴道風黃閣靜祥景紫垣陰壽酒朝時
獻農書夜直尋國香燭翠幄庭燎赭紅衾漢魏文章盛
堯湯雨露霽一作密辭投水石精義出沙金宸宸親唯敬
釣衡近匪侵疾驅千里駿清吹九霄禽慶賜迎新服齋
莊棄舊簪忽思班女怨遙聽越人吟末路甘貧病流年
苦滯淫夢中青瑣闥歸處碧山岑竊抃聞韶濩觀光想
蘇任大哉環海晏不竿子牟心

奉使至邢州贈李八使君

獨占龍岡部深持虎節居盡心敷吏術含笑掩兵書禮

飾華纓重才牽雅製餘茂陰延驛路溫液逗官渠南畝
行春罷西樓待客初甕頭開綠蟻砧下落紅魚牧伯風
流足輜軒若一作澀虛今宵鈴閣內醉舞復何如

秋日洛陽官舍寄上水部家兄

洛陽歸老日此縣忽爲君白髮兄仍見丹誠帝豈聞九
衢橫逝水二室散浮雲屈指豪家盡傷心要地分禁中
周幾鼎源上漢諸墳貔虎今無半狐狸宿有羣威聲慙
北部仁化樂南薰野藥飢來食天香靜處焚壯年唯喜
酒幼學便訶文及爾空哀暮離憂詎可聞

李舍人少尹惠家醞一小榼立書絕句

禁瑣天漿嫩虞行夜月寒一瓢那可醉應遣試嘗看

酬舍弟庠罷舉從州辟書

之荆且願依劉表折桂終慙見郗詵舍弟未應絲作鬢
園公不用印隨身

奉酬楊侍郎十兄見贈之作

翠羽雕蟲日日新翰林工部欲何神自悲曲瑟無彈處
今作關西門下人

杏園渡

衛郊多壘少人家南渡天寒日又斜君子素風悲已矣
杏園無復一枝花

奉誠園聞笛

園馬侍
中故宅

曾絕朱纓吐錦茵欲披荒草訪遺塵秋風忽灑西園淚

滿目山陽笛裏人

竇羣

竇羣字丹列兄弟皆擢進士第獨羣以處士客于毘陵
韋夏卿薦之爲左拾遺轉膳部員外郎兼侍御史知雜
事出爲唐州刺史武元衡李吉甫共引之召拜吏部郎
中元衡輔政復薦爲中丞後出爲湖南觀察使改黔中
坐事貶開州刺史稍遷容管經畧使召還卒詩二十三
首

雪中遇直

寒光凝雪彩限直居粉闥恍疑白雲上乍覺金印非樹
色靄虛空琴聲諧素徽明晨阻通籍獨卧挂朝衣

東山月下懷友人

東山多喬木，月午始蒼蒼。雖殊碧海狀，愛此青苔光。
高下滅華燭，參差啓洞房。佳人夢餘思，寶瑟愁應商。
皎潔殊未已，沈吟限一方。宦情哂雞口，世路倦羊腸。
彼美金石分，眷言蘭桂芳。清暉詎同夕，耿耿但相望。

時興

夙心曠何許，日暮依林薄。流水不待人，孤雲時映鶴。
濛濛千萬花，曷爲神仙藥。不遇爛柯叟，報非舊城郭。

題劍

丈夫得寶劍，束髮曾書紳。嗟吁一朝遇，願言千載鄰。
心許雷家一作冢樹，辭直斷佞臣。焉能爲繞指，拂拭時人

黔中書事

萬事非京國，千山擁麗譙。
佩刀看日曬，賜馬傍江調。
言語多重譯，壺觴每獨謠。
沿流如著翅，不敢問歸橈。

冬日曉思寄楊二十七鍊師

雨霜地如雪，松桂青參差。
鶴警晨光上，步出南軒時。
所遇各有適，我懷亦自怡。
願言絨素封，昨夜夢瓊枝。

貞元末東院嘗接事，今西川武相公于茲三周
謬領中憲，徘徊廳宇，多獲文篇。夏日即事，因寄

四韻

重軒深似谷，列柏鎮含烟。
境絕蒼蠅到，風生白雪前。
彈冠驚迹近，專席感恩偏。
霄漢朝來下，油幢路幾千。

北地

一作容州

何事到容州臨池照白頭興隨年已往愁與水長流
僂思逋客辛勤悔飯牛詩人亦何意樹草欲忘憂

雨後月下寄懷辛二十七資州

夕霽涼颺至條然心賞諧清光松上月虛白郡中齋置
酒平生不開衿願見乖殷勤寄雙鯉夢想入君懷

奉酬西川武相公晨興贈友見示之作

碧樹分曉色宿雨弄清光猶聞子規啼獨念一聲長
眷軫芳思依依寄遠方情同如蘭臭惠比返魂香新什
驚變雅古瑟代沈湘殷勤見知己搔抑繞中腸隙駟不
我待路人易相忘孤老空許國幽報期蒼蒼

晨游昌師院

深庭芳草濃曉井山泉溢林馥亂沈煙石潤侵經室幽
巖鳥飛靜晴嶺雲歸密壁蘚凝蒼華竹陰滿晴日生期
半宵夢憂緒仍非一若無高世心安能此終畢

同王晦伯朱遐景宿慧山寺

毘陵志云貞元四年羣與晦伯遐景同宿慧山寺賦詩題

壁題年再至則王已歿謝復留
跋於後李遠爲刻石勸其事

共訪青山寺曾隱南朝人間古松桂老開襟言笑新步
移月亦出水映石磷磷予洗腸中酒君濯纓上塵皓彩
入幽抱清氣逼蒼旻信此澹忘歸淹畱冰玉鄰

草堂夜坐

匣中三尺劍天上少微星勿謂相去遠壯心曾不停

經潼關贈宇文士
古有弓旌禮今徵草澤臣方同白衣見不是棄繻人

觀畫鶴

華亭不相識衛國復誰知
悵望冲天羽甘心任畫師
晚自臺中歸永寧里南望山色悵然有懷呈土
右司十一兄

白髮侵侵生有涯青襟曾愛紫河車
自憐悟主難歸去
馬上看山恐到家

中牟縣經魯公廟

當修名臣界
繫司徒公

青史編名在篋中故林遺廟揖仁風
還將文字如顏色
暫下蒲車為魯公

初入諫司喜家室至

一旦悲歡見孟光十年辛苦伴滄浪不知筆硯緣封事
猶問傭書日幾行

春雨

昨日偷閑看花了今朝多雨奈人何人間盡似一作逢花
雨莫愛芳菲濕綺羅

送內弟袁德師

南渡登舟即水仙西垣有客思悠然因君相問爲官意
不賣毘陵負郭田

贈劉大兄院長

萬年枝下昔同趨三事行中半已無路自長沙忽相見

共驚雙鬢別來殊

· 假日尋花

武陵緣源不可到河陽帶縣詎堪誇
枝枝如雪南關外

一日休閑盡屬花

自京將赴黔南

風雨荊州二月天

南改黔

問人初雇峽中船西南一望雲

和水猶道黔南有四千

賣庠

竇庠字胄卿釋褐授國子主簿韓臯鎮武昌辟為推官

臯移鎮京口用為度支副使改殿中侍御史歷登澤信

婺四州刺史庠天授倜儻氣在物表一言而合期於歲

寒爲五字詩頗得其妙詩二十一首

留守府酬皇甫曙侍御彈琴之什

青瑣畫無塵碧梧陰似水高張朱弦琴靜舉白玉指洞
簫又奏繁寒磬一聲起鶴警風露中泉飛雪雲裏泠泠
分雅鄭析析諧宮徵座客無俗心巢禽亦傾耳衛國知
有人齊竽偶相齒有時趨絳紗盡日隨朱履那令雜繁
手出假求焦尾幾載遺正音今朝自君始

金山行

潤州金山寺
寺在江心

西江中瀰波四截湧出一峰青堞一作帶堞外如削成中缺

裂陽氣發生陰氣結是時炎天五六月土有火雲下水
雪夜色晨光相蕩沃積翠流霞滿坑谷龍泓徹底沙布

金鳥道插雲梯。玉架險凌虛。隨指額、椽桷玲瓏，皆固

護。斡流倒景，不可窺萬仞，千崖生趾。步日華重重，一作曠曠土

金勝丹楹，碧砌真珠網。此時天海風浪清，吳楚萬家皆

在掌。瓊樓菌閣，紛明媚曲檻，迴軒深且邃。海鳥夜上珊

瑚枝，江花曉落瑤璃地。有時倒影沈江底，萬狀分明光

似洗。不知水上有樓臺，却就波中看。閉啓舟人，忘却江

水深，水神誤到人間世。歛然風生波出，沒濯瀟，晶瑩無

定物。居人相顧，非人間，如到日宮經月窟。信知靈境長

有靈住者，不得無仙骨。三神山上蓬萊宮，徒有丹青人

未逢。何如此處靈山宅，清涼不與囂塵隔。曾到金山處

處行，夢魂長羨金山客。

子闐鐘歌送靈徹上人歸越

鐘在越靈嘉寺
從天竺飛來

海中有國傾神功烹金化成九乳鐘精氣激射聲冲融
護持海底諸魚龍聲有感神無方遠天雲水無津梁不
知飛在靈嘉寺一國之人皆若狂東南之美天下傳環
文萬象無雕鐫有靈飛動不敢懸鎖在危樓五百年有
時清秋日正中簷霜滿地天無風一聲洞徹八音盡萬
籟悄然星漢空徒言凡質千鈞重一夫之力能振動大
鳴小鳴須在君不擊不考終不聞高僧訪古稽山曲終
日當之言不足手提文鋒百鍊成恐刺此鐘無一聲

太原送穆質南遊

今朝天景清秋入晉陽城露葉離披處風蟬三數聲那

言苦行役值此遠徂征莫話心中事相看氣不平

四皓驛聽琴送王師簡歸湖南使幕

朱弦韻正調清夜似聞韶山館月猶在松枝雪未消城
笳三奏曉別鶴一聲遙明日思君處春泉翻寂寥

夜行古戰場

山斷塞初平人言古戰庭泉冰聲更咽陰火燄偏青月
落雲沙黑風迴草木腥不知秦與漢徒欲弔英靈

奉和王侍郎春日喜李侍郎崔給諫張舍人韋

諫議見訪因命觴觀樂之什

華館遲嘉賓逢迎淑景新錦筵開絳帳玉佩下朱輪曲
裏三仙會風前百舞春欲知忘味處共仰在齊人

酬謝韋卿二十五兄俯贈輒敢書情

大賢持贈一明璫蓬華初驚滿室光埋沒劍中生紫氣
摩埃瑟上動清商荆山璞在終應識楚國人知不是狂
莫恨伏轅身未老會將筋力是

一作事

王良

奉酬侍御家兄東洛閑居夜晴觀雪之什

洛陽宮觀與天齊雪淨雲消月未西清淺乍分銀漢近
輝光漸覺玉繩低綠醺乍熟堪聊酌黃竹篇成好命題
應念武關山斷處空愁簿領候晨雞

勅目至家兄蒙淮南僕射杜公奏授祕校兼節
度參謀同書寄上

朝市三千里園廬二十春步兵終日飲原憲四時貧桂

樹雷人久蓬山入夢新鶴書承處重鵲語喜時頻草奏
才偏委嘉謀事最親榻因徐孺解醴爲穆生陳衛國今
多士荊州好寄身煙霄定從此非假問陶鈞

酬韓愈侍郎登岳陽樓見

贈時予權知岳州事

巨浸連空闊危樓在杳冥稍分巴子國欲近老人星昏
且呈新候川原按舊經地圖封七澤天限鎖重扃萬象
皆歸掌三光豈遁形月車纔碾浪日御已翻溟落照金
成柱餘霞翠擁屏夜光疑漢曲寒韻辨湘靈山晚一作曉雲
常碧湖春草徧青軒黃曾舉樂范蠡幾揚舲有客初畱
鷁貪程尚數糞自當徐孺榻不是謝公亭雅論冰生水
雄材刃發硎座中瓊及玉潤名下藍蘭馨假手誠知拙齋

心匪甞寧每慙公府粟却憶故山苓苦調當三歎知音
願一聽自悲由也瑟敢墜孔悝銘野杏初成雪松膠正
滿瓶莫辭今日醉長恨古人醒

東都嘉量亭獻畱守韓僕射

卜築三川直儀刑萬井中度材垂後儉選勝揜前功雲
構中央起煙波四面通乍疑游汗漫稍似入崆峒屢開
高低盡山河表裏窮峰巒從地碧宮觀倚矢紅靈檻如
朝蜃飛橋狀晚虹曙霞晴錯落夕靄溼葱蘢庾亮樓何
阨一作陳蕃榻更崇有時閑講德永日靜觀風玉笋飛無
算金鏡未終重筵開玳瑁上客集鸚鵡接武空慙蹇
綸文敢並雄豈須登峴首然後奉羊公

段都尉別業

曾識將軍段，靈碑幾場花。下醉如泥春，來欲問林園主。

桃李無言鳥自啼。

靈臺鎮贈丘岑中丞

曉日天山雪半晴，紅旗遙識漢家營。近來胡騎休南牧，

羊馬城邊春草生。

贈道芬上人

善書
松石

雲濕烟封不可闕，畫時唯有鬼神知。幾回逢著天台客，

忽得巖西最老枝。

金山寺

一點青螺白浪中，全依水府與天通。晴江萬里雲飛盡，

鰲背參差日氣紅

冬夜寓懷寄王翰林

一作翰林
王補闕

滿地霜蕪葉下枝幾回吟斷四愁詩漢家若欲論封禪
須及相如未病時

醉中贈符載

白社會中嘗共醉青雲路上未相逢時人莫小池中水
淺處無妨有臥龍

龍門看花

無葉無枝不見空連天撲地逕纔通山鶯驚起酒醒處
火焰燒人雪噴風

陪畱守韓僕射巡內至上陽宮感興二首

翠輦西歸七十春
玉堂珠綴儼埃塵
武皇弓劍埋何處
泣問上陽宮裏人

愁雲烟作漠漠草離離
太乙句陳處處疑
薄暮毀垣春雨裏
殘花猶發萬年枝

竇鞏

竇鞏字友封登元和進士累辟幕府入拜侍御史轉司
勳員外刑部郎中元稹觀察浙東奏為副使又從鎮武
昌歸京師卒鞏雅裕有名於時平居與人言若不出口
世稱聶孺翁白居易編次往還詩尤長者號元伯往還
集鞏亦與焉詩二十九首

老將行

一作吟

烽煙猶未盡年鬢暗相催輕敵心空在彎弓手不開馬
依秋草病柳傷故營摧唯有酬恩客時聽說劍來

贈蕭都官

蕭郎自小賢愛客不言錢有酒輕寒夜無愁倚少年閑
尋織錦字醉上看花船好是關身事從人道性偏

忝職武昌初至夏口書事獻府主相公

白髮放綦韃梁王愛舊

一作舊愛

全竹籬江畔宅梅雨病中天

時奉登樓讌閑脩上水船邑

一作時

人興訪易莫遣鶴支

一本缺

錢

早秋江行

迴望湓城遠西風吹荻花暮潮江勢闊秋雨鴈行斜多

醉渾無夢頰愁欲到家漸驚雲樹轉數點是晨鷄

題任處士幽居

紅葉江邨夕孤煙草舍貧水清魚識釣林靜犬隨人採
掇山無主扶持藥有神客來唯勸酒蝴蝶是前身

漢陰驛與宇文十相遇旋歸西川因以贈別

吳蜀何年別相逢漢水頭望鄉心共醉握手淚先流宿
霧千山曉春霖一夜愁離情方浩蕩莫說去刀州

早春松江野望

江邨風雪霽曉望忽驚春畊地人來早營巢鵲語頻帶
花移樹小插槿作籬新何事勝無事窮通任此身

少婦詞

坐惜年光變遼陽信未通燕迷新畫_作屋春識舊花叢

夢繞天山外愁翻錦字中昨來誰是伴鸚鵡在簾櫳

歲晚喜遠兄弟至書情

幾年滄海別相見竟_{一作}多蓬鬢髮緣愁白音書爲嬾稀

新詩徒有贈故國未同歸人事那堪問無言是與非

登玉鈞亭奉獻淮南李相公

西南城上高高處望月分明似玉鈞朱檻入雲看鳥滅
綠楊如薺遶江流定知有客嫌陳榻從此無人上庾樓
今日卷簾天氣好不勞騎馬看揚州

南陽道中作

東風雨洗順陽川蜀錦花開綠草田彩雉鬪時頻駐馬

酒旗翻處亦畱錢
新晴日照山頭雪
薄莫人爭渡口船
早晚到家春欲盡
今年寒食月初圓

哭呂衡州八郎

今朝血淚問蒼蒼
不分先悲旅館喪
人送劍來歸隴土
鴈飛書去叫衡陽
還家路遠兒童小
埋玉泉深晝夜長
望盡素車秋草外
欲將身贖返魂香

江陵遇元九李六二侍御紀事書情呈十二韻

自見人相愛如君愛我稀
好閑容問道攻短每言非
夢想何曾間追歡未省違
看花憐後到避酒許先歸
柳寺春堤遠津橋曙月微
漁翁隨去處禪客共因依
蓬閣初疑義霜臺晚畏威
學深通古字心直觸危機
肯帶荊州

掾猶香柏署衣山連巫峽秀田倚渚宮肥美玉方齊價
遷鷲尚怯飛佇看霄漢上連步侍彤闈

遊仙詞

海上神山綠溪邊杏樹紅不知何處去月照玉樓空

贈阿史那都尉

較獵燕山經幾春雕弓白羽不離身年來馬上渾無力
望見飛鴻指似人

陝府賓堂覽房杜二公仁壽年中題紀手跡

仁壽元和二百年濛籠水墨淡如煙當時憔悴題名日
漢祖龍潛未上天

早春送宇文十歸吳

春遲不省似今一作新年二月無花雪滿天村店閉門何處

宿夜深遙喚渡一作隔江船

十年經賣車騎故城水墨幾吹散當朝熱汗餘白日

荒陂古堞欲千年名振圖書劍在泉今日諸孫拜墳樹

愧無文字續燕然

贈王氏小兒白不離是半來燕上無

竹林會裏偏憐小淮水清時最覺賢莫倚兒童輕歲月

文人曾共爾同年春不味同處去良難

唐州東途作

綠林兵起結愁雲白羽飛書未解紛天子欲開三面網

莫將弓箭射官軍五巫刺表田南書歌美玉五

新羅進白鷹

御馬新騎禁苑秋
白鷹來自海東頭
漢皇無事須游獵
雪亂爭飛錦臂鞬

秋夕

護霜雲映月朦朧
烏鵲爭飛井上桐
夜半酒醒人不覺
滿池荷葉動秋風

襄陽寒食寄宇文籍

煙水初銷見萬家
東風吹柳萬條斜
大堤欲上誰相伴
馬踏春泥半是花

奉使薊門

自從身屬富人侯
蟬噪槐花已四秋
今日一莖新白髮

懶騎官馬到幽州

送劉禹錫

十年憔悴武陵溪，鶴病深林玉在泥。
今日太行平似砥，九霄初倚入雲梯。

送元稹西歸

南州風土滯龍媒，黃紙初飛勅字來。
二月曲江連舊宅，阿婆情熟牡丹開。

過驪山

翠輦紅旌去不回，蒼蒼宮樹鎖青苔。
有人說得當時事，曾見長生玉殿開。

洛中即事

高梧葉盡鳥巢空
洛水潺湲夕照中
寂寂天橋車馬絕
寒鴉飛入上陽宮

尋道者所隱不遇

一作于鵠詩題
作訪隱者不遇

籬外涓涓澗水流
槿花半點夕陽收
欲題名字知相訪
又恐芭蕉不奈秋

寄南游兄弟

書來未報

一作南游兄弟

幾時還知在三湘

一作湖

五嶺間獨立衡門

秋水闊寒鴉飛去日銜山

宮人斜

離宮路遠北原斜
生死恩深不到家
雲雨今歸何處去
黃鸝飛上野棠花

代鄰叟

年來七十罷耕桑，就暖支羸強下牀。
滿眼兒孫身外事，

閑梳白髮對殘陽。

新營別墅寄家兄

懶性如今成野人，行藏由興不由身。
莫驚此度歸來晚，

買得西山一作正値春。

南游感興

傷心欲問前朝事，惟見江流去不回。
日暮東風春草綠，

鷓鴣飛上越王臺。

題劍津

風前推折千年劍，巖下澄空萬古潭。
雙劍變成龍化去，

兩溪相並水歸南

放魚

武昌作

金錢贖得免

一作見

刀痕聞道禽魚亦感恩好去長江千萬

里不須辛苦上龍門

永寧小園寄接近校書

一作羊士諤詩

故里心期奈別何手栽

一作移

芳樹憶庭柯東臯黍熟君應

醉梨葉初紅白露多

從軍別家

自笑儒生著戰袍書齋壁上挂弓刀如今便是征人婦
好織迴文寄寶滔

悼妓東東

芳菲美豔不禁風未到春殘已墜紅惟有側輪車上鐸
耳邊長似叫東東

何笑謝主替輝餘舊齊登士封邑不似合則受立人
笑軍限客

柳葉葉疎疏白雲影

荔里心脾奈恨何未端可共謝謝舞舞舞舞舞舞舞

承寧小園寄謝並效書

聖不負幸苦土歸開

金鈴觀於後... 不與開前禽魚亦想思效書

效書

雨為酥並水調